

數輩扶掖而上下。中途休息十數次。尙額汗如雨下也。

參觀錫鑛

馬來半島錫鑛素旺。三十年來採掘殆盡。然尙有鑛山多處。頗獲厚利。余在吉隆坡參觀。一潮人李姓之錫鑛廠。有工人三百餘。鑛穴甚深。和土掘出。以水洗之。錫留沙去。提鍊成粒。謂之錫米。淘揀輸送。均用電機。聞此鑛已開十年。純利達百萬以上。錫價甚貴。鄉導者指屋角一堆示余曰。卽此可沽八千餘金也。是日陰雨。跋涉甚苦。比出鑛山。索鏡自照。面目黧黑。衣服垢穢。儼然一鑛工矣。

車站送行

余留吉隆坡僅六日。十二月十四日晚八時乘快車向檳榔嶼而行。各界到車站送別者百餘人。坤成女學校長教員暨師範生均到。雁行鵠立。互一小時。一如星島出發時情況。余憑車牕向大衆鄭重贈言。祝其早日回國共學共事。車行甚遠。尙見白帽素巾。悠揚黑影中。也。又一時許。抵車站曰萬撓。Manow。忽聞繁聲呼江先生。則坤成學生有寓近此間者。凡十數人。冒夜來握別也。桃花潭水。何以過之。

第四編 巴生

巴生途中

距吉隆坡四十英里有巴生一名巴雙 Port Swettham 爲馬來聯邦唯一海港亦爲其最早之商埠。開闢遠在吉隆坡前。今則繁盛迥不如之。往來大洋之郵船商船有時尙停泊其處。自吉隆坡火車汽車均可通。該埠商學界聞余到吉隆坡。專柬請往一遊。前後兩次均乘汽車。約一時許。直達市中。中經橋梁多處。沿途均橡樹林。每晨工人割皮取乳。承以瓷杯。傾之木桶。雪白如漿。大約種六七年即可割。二三十年即枯。死則樹身先折。而樹根猶存。變深紅色。光怪陸離。槎枒百出。遠望之如老魅也。巴生無他商業。惟以樹膠出口爲大宗。自市價跌落。生意蕭條。昨今兩年始見轉機。商場或尙有恢復之望也。

樹膠公所

巴生最大團體樹膠公所總理閩人顏維漢君。盛筵招待。全埠商學名流咸在。座有年逾七十者數人。爲言英人之得馬來聯邦。其事易如破竹。諸王內訌。葉阿來調停無效。英自星島派軍艦一艘。軍官二人。兵士五十。到巴生埠。開炮九聲。而馬來王俯首授降。葉阿來亦拱手歛避矣。余憶德人之得吾青島。其行徑乃與此絕類。以泱泱大國而不能自保其咽喉。使德人不費一兵。不折一矢。談笑而得之。彼馬來王又何足責。而吾國今日諸藩鎮尙日步馬來王後塵。恐五族二十二省錦繡山河。皆將爲巴生續也。尙何言哉。樹膠公所以比例徵收營業稅。積資頗豐。全埠學校經費皆取給焉。顏君與何海鳴爲至交。何所出僑務雜誌。頗代顏

鼓吹。顏固此間商界一人才也。

學校演說

巴生有中華學校、中華女學、及共和學校。聯合請余演說。卽假共和禮堂爲會場。蓋三校惟共和爲大也。校長越君、鄂人。其夫人曾君。卽長中華女學。中華校長口君。則閩人。而暨南畢業者也。三校共有學生約五百人。中華學校教員湘人任智君。願入南大肄業。年假後卽內渡。助教朱曉虹君亦願同行。而格於人事不果。與余同乘。備述雌伏之苦。雄飛之難。余亦惟有以有志竟成空言慰藉而已。朱君亦吉隆坡坤成畢業生。雖土生而嫻國語。落落有內地大家風。

港口風景

巴生港口距市匪遙。顏維漢君約往同遊。天雨初晴。海平如鏡。狀至岑寂。是日並無大船傍岸。棧橋伸入水次。有馬來人、印度人數十。縱橫偃臥其間。若輩皆搬運工人。無船到則無所事事。終日昏睡而已。華人亦有染此惡習者。幕天席地。到處皆寢臺也。熱帶居民生活簡單。懶惰成性。於此亦可見之。

第五編 檳榔嶼

檳城大略